

דברי הימים ב' פרק כ"ז - מבנה הפרק / נתנאל שפיגל

נסחת פתיחה: א בן-עשרים וחמש שנה יותם במלכו ושש-עשרה שנה מלך בירושלם ושם אמו ירושה בת-צדוק.

שיפוט המלך: ב ויעש הישר בעיני ה' ככל אשר-עשה עזיהו אביו רק לא-בא אל-היכל ה' ועוד העם משחיתים.

בניית מגדלים: ג הוא בנה את-שער בית-ה' העליון ובחומת העפל בנה לרב. ד וערים בנה בהר-יהודה ובחרשים בנה בירניות ומגדלים.

ניצחון על בני עמון: ה והוא נלחם עם-מלך בני-עמון ויחזק עליהם ויתנו-לו בני-עמון בשנה ההיא מאה כפר-כסף ועשרת אלפים כרים חטים ושעורים עשרת אלפים זאת השיבו לו בני עמון ובשנה השנית והשלשית.

שיפוט המלך: ו ויתחזק יותם כי הכין דרכיו לפני ה' אלהיו.

נסחת סיום: ז ויתר דברי יותם וכל-מלחמתיו ודרכיו הנם כתובים על-ספר מלכי-ישראל ויהודה. ח בן-עשרים וחמש שנה היה במלכו ושש-עשרה שנה מלך בירושלם. ט וישכב יותם עם-אבתיו ויקברו אתו בעיר דויד וימלך אחז בנו תחתיו.